



's Brauche.

Mer soll in unsre neie Zeit
Im zwanzigste Johrhunnert,
Wo mr so hell is, daß mr heit
Sich iwer nix meh" wunnert,
Net glawe waß die Mensche noch
Am Awer glaawe hängge,
Gehn in die Schul un Kerch — un doch
Dhun sinne net un denke.

Treff ich mol do e Bauresfraa
Mit ehrem klenne Bißje.
Deß Kind hett immer wehe Aah'
Un schilkt aah noch e bißje;
Waß se versucht, es hett nix badd
Die Dockder net se zehle,
Die große Herre in de Schtadt
Verschtehn em nor se queele.

Doch seit vier Daah, do hett se waß,
Deß deht doch aah waß dauge,

Sie wißt e Fraa, es weer kä" Schbaß,
Die deht dem Kind als brauche;
Nichtdringe jede Nummedaah
Genau um halwer zwelfe
Mit Bimsschtä"pulwer sich die Aah'
Fescht ei"geribb, deht helfe.

Ich hann gescholl, wie es mei" Pflicht,
Daß sowas sie kennt glawe,
Ob se dem Kind sei" Auelicht,
Wollt vollschder unnergrawe?
Sie waard ah ruhig bis ich schweig,
Dann dhut die Mas se buze:
„Ja glawe muß mir an deß Zeig
Sunscht dhut es jo nix nuze.“

„Gucken mei" Nocher hot e Gaul
Der tret mol in e Schermel;
Was dhut der Mann, er geht net faul
Sie zu de Herdebärmel.
Die hott em selwe Middel gebb,
De Fuß mit ei"sereime;
De Fuß is jetzt zwar vollschder schebb,
Doch 's Kranksei" dhuts verdreime.“

